



Šemsudin Mehmedović

Broj: 01-24/24

Sarajevo: 23.7.2024.godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:	23.07.2024.		
Organizaciona jedinica	Klasifikaciona oznaka	Redni broj	Broj priloga
01-	50-1-	1430	24

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 53/22) postavljam sljedeće

**ZASTUPNIČKO PITANJE ZA
DRŽAVNU AGENCIJU ZA ISTRAGE I ZAŠTITU BOSNE I HERCEGOVINE**

Da li je direktor Državne agencije za istrage i zaštitu Bosne i Hercegovine, u skladu sa članom 71. stav 1. tačka f. alineja 1. Zakona o radu u institucijama Bosne i Hercegovine, a u vezi s članom 95. Zakona o policijskim službenicima Bosne i Hercegovine, donio rješenje o prestanku radnog odnosa Zoranu Galiću, zamjeniku direktora?

Obrazloženje

U medijima je dana 09.07.2024. godina objavljena vijest da je Zoran Galić, zamjenik direktora Državne agencije za istrage i zaštitu Bosne i Hercegovine, istragom Tužilaštva Bosne i Hercegovine osumnjičen za više krivičnih djela učinjenih u periodu kada je obavljao dužnost direktora Granične policije Bosne i Hercegovine.

Preneseno je da je osumnjičeni Zoran Galić, nakon dobijenih informacija da će biti uhapšen, dana 08.07.2024. godine u popodnevним satima ilegalno prešao granicu Bosne i Hercegovine, te pobjegao u Republiku Hrvatsku.

S obzirom da je nesporno da je Zoran Galić u bjekstvu i da je neopravdano izostao sa posla više od pet radnih dana uzastopno, direktor Darko Čulum je bio dužan da, u skladu sa svojim ovlastima i obavezama, donese rješenje o prestanku radnog odnosa Zoranu Galiću, u skladu sa članom 71. stav 1. tačka f. alineja 1. Zakona o radu u institucijama Bosne i Hercegovine, a u vezi sa članom 95. Zakona o policijskim službenicima Bosne i Hercegovine.

Molim da mi u što kraćem roku dostavite odgovor na zastupničko pitanje

S poštovanjem,

ZASTUPNIK PS BiH
Šemsudin Mehmedović